

# Inspektor SIPA-e osuđen na dvije godine zatvora

Sudija Općinskog suda u Zenici Stanko Blagić osudio je u utorak inspektora Državne agencije za istrage i zaštitu (SIPA) na dvije godine zatvora zbog izazivanja saobraćajne nesreće u kojoj je smrtonosne povrede zadobila jedna djevojka, a još pet osoba je povrijeđeno.

Njegoš Poljaković, inspektor SIPA-e je proglašen krivim za teško krivično djelo protiv bezbjednosti javnog saobraćaja. Zakonom propisana kazna za ovo djelo kreće se u rasponu između jedne i osam godina zatvora.

Sudska presuda nije pravosnažna i Poljakovićeva odbrana je najavila žalbu.

Nesreća se dogodila u blizini Zenice u trenutku dok je Poljaković u službenom vozilu pretjecao kolonu vozila. U ovom predmetu policija i tužilaštvo nisu na vrijeme reagovali o čemu su novinari Centra za istraživačko novinarstvo (CIN) iz Sarajeva već pisali u okviru projekta o korupciji u policiji.